



OPĆINA TEŠANJ

T: +387 32 650 547, +387 32 650 220;  
F: +387 32 650 547  
www.opcina-tesanj.ba,  
e-mail: optesanj@bih.net.ba



Maj 2013.

# eBilten

Općina Tešanj  
Općinski načelnik

“  
...  
majka šuti i ne  
odgovara oči joj  
sklopljene ispod dozluka  
fildžan prevrnut u širokom  
krilu dimija a u kutu usne  
smiješak moćne podrške  
i zrnice šećera od  
kocke bijelog ja gledam pa  
skočim  
pa potrčim pa ljubim  
pa padnem pa plačem

*Sitan sitan trenutak u kojem  
je umrla moja nena majka*  
Tahir Mujčić

# PRIHVAĆENA OD SVIH - STRATEGIJA 2018.

**Prioriteti za naredni period svrstani su u četiri grupe: Ekonomija, Ekologija, Mladi i Društveni sektor.**



Najvažniji dokument kojim jedna institucija može planirati i usmjeravati svoj razvoj jeste strategija. Kod institucija vlasti smo navikli da se često priča o strategijama, da su one nekad spisak želja, ili knjiga kojom se predstavlja drugima (građanima/biračima, drugim domaćim i međunarodnim institucijama). U prethodnim godinama općina Tešanj je razvila posebno aktivan odnos spram ovakvog pristupa razvoju lokalne zajednice i postavila posebnu metodologiju realizacije.

Početak aprila, Općinsko vijeće Tešanj je usvojilo novu strategiju – Strategija 2018., kojom su postavljene smjernice razvoja općine u narednom periodu. Važno je reći da je prije samog usvajanja provedena opsežna javna rasprava, sa učešćem velikog broja zainteresovanih građana i institucija. Izneseno je oko 60 prijedloga i sugestija kojima se nastojalo poboljšati cio dokument.

Pri izradi dokumenta korištena je MIPRO metodologija. Situaciona analiza na početku dokumenta u sebi sadrži aktuelne i važne činjenice i informacije o svim važnim pitanjima za

razvoj sredine (demografija, geografija, mineralni i drugi resursi, saobraćaj, privreda, infrastruktura, obrazovanje, sport, kultura, zdravstvo, mladi, ekologija...).



Provedeno je strateško fokusiranje, PEST analiza, SWOT analiza, utvrđeni programi i projekti za naredni period. U kasnijoj fazi za svaki program/projekat dati su okvirni rokovi, nosiocu, projekcija potrebnih sredstava, nosilaca i učesnika. Sve ovo govori o ozbiljnosti pristupa koji je postojao.

U izradu Strategije 2018 bilo je uključeno 78 osoba različitih obrazovnih i iskustvenih karakteristika. Svi su se uključili

da daju svoj doprinos razvoju zajednice.

Prioriteti za naredni period svrstani su u četiri grupe: Ekonomija, Ekologija, Mladi i Društveni sektor. Ukupno je definisano 65 programa/projekata, procijenjene vrijednosti 80 miliona KM.

Primarna odgovornost u realizaciji Strategije ostavljena je Općinskom načelniku, koji ima obavezu da jednom godišnje izvijesti Općinsko vijeće o realizaciji planiranih aktivnosti tokom godine. Dosadašnjom metodologijom svaki od Programa i projekata koji su u zahvatu imali su imenovanog odgovornog menadžera, koji je vodio realizaciju. Postojala je obaveza da se mjesečno elektronski dostavljaju izvještaji, a kvartalno su na zajedničkom sastanku rađene analize. Takav pristup se pokazao uspješnim.

U narednom periodu je potrebno obezbijediti sinergiju lokalnih ljudskih i drugih resursa, a to je moguće obezbijediti i punim uključenjem općinskih ustanova i preduzeća.

Važno je istaknuti da je Općinsko vijeće jednoglasno usvojilo Strategiju 2018, što predstavlja dobru poruku za sve nas, da je potrebno da svi u okviru svojih mogućnosti i odgovornosti damo aktivan doprinos realizaciji postavljenih planova.



# Sistem upravljanja otpadnim vodama

**Procijenjena vrijednost investicije je 24 miliona KM. Projekat u sebe uključuje i gradnju uređaja za tretman otpadnih voda.**



Otpadne vode u Bosni i Hercegovini sve su veći problem. Nažalost, tek smo na početku razvoja infrastrukture (državni okviri), a zašto je tako vjerovatno imamo i objektivne i subjektivne razloge ili izgovore.

Realno, ekonomski nismo jaka država, u prethodnom sistemu nismo uspješni skoro ni početi gradnju ove infrastrukture, rat, uništavanje, pa i nefunkcionalno i komplikovano uređenje, ali Bogami i svijest velikog broja građana, institucija, dužnosnika itd. Svako se može naći u ovome, i odgovornost za (ne)prilike u kojima jesmo po pitanju otpadnih voda, su naravno različite. Danas bi dobar dio ljudi radije izdvojilo novac za stub rasvjete, nego za metar kanalizacije.

Svi bismo sigurno bili sretniji da je neko, nekada davno napravio takve sisteme kakvi su se gradili još krajem 19 vijeka i da ih naslijedimo. Ali, eto, nismo bili te sreće, ali bismo mogli barem nekog drugo učiniti sretnim.

Općina Tešanj uglavnom je do sada dijelila sudbinu većine Bosne i Hercegovine kada je u pitanju tretman otpadnih voda. Prethodne tri godine uloženo je mnogo truda da se stanje promijeni. Uključili smo se u projekat pod nazivom WATSAN, koji je pokrenut na nivou Bosne i Hercegovine,

**Uz ovakav iznos kredita projekat podrazumijeva i značajan iznos grant (nepovratnih sredstava), od preko 4 miliona KM.**

da se u saradnji sa Evropskom investicijskom bankom (EIB) i drugim institucijama EU omogući povoljno finansiranje investicija u sisteme upravljanja otpadnim vodama (kanalizacione sisteme). Tešanj je prihvaćen u ovaj projekat i u Općinsko vijeće je u prethodnom sazivu donijelo Odluku o prihvatanju kredita Evropske investicijske banke u

iznosu od 9,5 miliona KM na rok od 25 godina i grace period od šest godina. Uz ovakav iznos kredita projekat podrazumijeva i značajan iznos grant (nepovratnih sredstava), od preko 4 miliona KM. Zadnjih godinu dana aktivno se radilo na pripremi Project fische-a prema banci koji u sebi sadrži potrebne elemente investicije. Procijenjena vrijednost investicije je 24 miliona KM. Projekat u sebe uključuje i gradnju uređaja za tretman otpadnih voda (u trenutnim okolnostima uređaja za općine Tešanj, Usora i Doboju).

Uporedo sa ovim aktivnostima općina je sa komunalnim preduzećem pripremala tehničku dokumentaciju, tako da je u januaru 2013. godine završen idejni projekat za glavni dio sistema za veći dio općine. Trenutno se radi na Studiji uticaja na okoliš, pribavljanju Okolišne dozvole i Urbanističke saglasnosti. Nakon toga slijedi izrada Glavnog projekta.

Prema sadašnjim procjenama, ugovor o kreditiranju bi trebao biti potpisan tokom mjeseca juna i time bi općina Tešanj učinila korak napred prema čistoj i zdravijoj sredini. Ugovor bi bio samo kraj početka, a do okončanja projekta predstoji još mnogo posla. Treba biti svjestan da će ovaj projekat usporiti razvoj neke druge

# BLIC VIJESTI - APRIL



## 1. sedmica

Svečano obilježen 4. april, Dan otpora fašizmu.

Općinsko vijeće Tešanj je na svojoj 6. sjednici (5. april 2013. godini) jednoglasno usvojilo Strategiju razvoja 2018. i Listu kapitalnih ulaganja za 2013. godinu. Premda prilično skromna sredstva, zbog izostanka podrške sa viših nivoa vlasti, raspoređena su shodno prioritetima koje su identifikovali organi mjesnih zajednica.



## 2. sedmica

11. aprila je počeo 9. sajam privrede Biznis 2013 Tešanj. Otvaranju prisustvovalo 8 ambasadora, preko 80 izlagača. Nažalost, ove privredne susrete nije finansijski podržao nijedan organ vlasti osim općine Tešanj. U subotu 13. aprila, između općine Tešanj i 348 studenata potpisani su ugovori za stipendiranje za akademsku 2012/2013 godinu. Općina je na taj način potvrdila svoju opredijeljenost za podršku mladima i znanju. Istog dana odigrana utakmica ragbi reprezentacija BiH-Luksemburg.



## 3. sedmica

Općina Tešanj je predstavljena investicijskom forumu BiH-Velika Britanija. Osim općeg predstavljanja općine Tešanj prilika je iskorištena za predstavljanje tri projekta:

- Pogodnost za direktne strane investicije (FDI) kod pokretanja novog biznisa u poslovnim zonama,
- Projekat toplifikacije urbanih područja kroz javno-privatno partnerstvo,
- Gradnja sistema za prikupljanje i tretman otpadnih voda.



## 4. sedmica

Općinu Tešanj je posjetio ambasador SAD-a u BiH N.J.E. Patrick Moon. Ambasador je pohvalio pozitivne procese i poduzetnost općine i privrednika sa prostora općine Tešanj. U drugom dijelu sastanka govorilo se o ustavnim promjenama u FBiH, pristupu NATO-u, razvoju ekonomije i saradnji općina Žepče, Tešanj i Teslić.

## **BLIC VIJESTI - APRIL**



U srijedu, 24. aprila, položen je kamen temeljac za izgradnju proizvodnog objekta firme Lokwood u Industrijskoj zoni Bukva. Izvođač radova je firma Hrvić-gradnja, a završetak radova se očekuje do augusta ove godine. Očekuje se zapošljavanje novih 30 radnika. Osim Lokwood-a, firma Pilat&Pilat Produkties je vlasnik i firme Nord ent, koja već 10 godina postoji u Tešnju.



Na 7. sjednici Općinskog vijeća Tešanj, nakon prethodno obavljene opsežne javne rasprave, usvojen je novi Regulacioni plan Jelah. Vijeće je još razmatralo Informaciju o radu javnih ustanova, kojima je općina osnivač, za rad u 2012. godini.

- Općina Tešanj je dobila potvrdu da je u konkurenciji od 23 općine odabrana među četiri, koje će učestvovati u projektu LOD 3. Osim što je ovo podrška za dosadašnju saradnju općine i civilnog društva, ovo je i prilika za realizaciju novih projekata, koji će iz sredstava evropske unije biti finansirani na prostoru općine Tešanj.



U petak 3. maja su počeli radovi na obnovi i dogradnji Hotela u Tešnju. Prema potpisanom ugovoru, obaveza Investitora je da do maja 2014. godine završi grube radove – krov i zatvaranje vanjskih otvora. Projektant je firma Arhitekta Zenica, a izvođač radova firma Famus gradnja. Uz kulturno-historijsko nasljeđe, Hotel će zaokružiti turističku ponudu Tešnja. Ovaj projekat je veoma važan za sve građane naše općine, ali i ljude koji nas posjećuju.

## **NAJAVE**

- U toku su pripreme aktivnosti na provođenju odabira najboljih poslovnih ideja mladih, koje će biti podržane u 2013. godini. Na ovakav način u prethodne dvije godine registrirano je 9 poslovnih subjekata i uposleno 13 mladih osoba. Više o tome na općinskoj web stranici.
- Zajedno sa općinama Žepče i Teslić, općina Tešanj će se u okviru projekta koji vodi GIZ, predstaviti na sajmu općina i gradova jugoistočne Evrope. Bit će posebno predstavljene mogućnosti za investiranje u ovaj mikroregion. Sajam se održava u organizaciji NALAS-a u Rijeci/Opatiji.
- U narednih 10-tak dana očekuje se potpisivanje ugovora za rekonstrukciju raskrsnice u Jelahu. Projekat će finansirati Direkcija cesta FBiH, Ministarstvo prometa ZDK i općina Tešanj. Konačna odluka o načinu rekonstrukcije (semaforizacijom) odluka Direkcije cesta FBiH.
- Omladinska banka Tešanj zaprimila je projekte za 2013. godinu. U toku je ocjena projekata, koja će uključivati i intervju sa mladima koji su pripremali projekte.



**javni poziv**  
za najbolje  
**poslovne**

# ideje

za mlade

**Tvoja IDEJA!**  
**Tvoj BIZNIS!**  
**PRIJAVI SE!**

**Detaljne informacije na:**

**telefon 032/650-022**  
**mirnes.dedukic@opcina-tesanj.ba**  
**www.opcina-tesanj.ba**

**Javni poziv je otvoren**  
**od 01. aprila 2013. godine,**  
**a prijem aplikacija će**  
**se vršiti od 15. maja**  
**do 29. juna 2013. godine.**

